

itidem vomitus, interdum sanguine mixtus, subsequitur. Hoc malo circumuentis dandum lac asininum aut passum assidue, necnon & radice malua foliorumque decoctum, aut trita cyclamini radix cum vino, aut veratri nigri vel scammonij succi drachma cum aqua mulsa & Punicorum nucleis; aut cedria contrita ex vino: benefacit & anserinus sanguis adhuc calens epotus. Sed cum pisces omnes respuant & auersentur, solos fluuiatiles caneros elixos esitant & concoquunt, a quibus non mediocriter adiunantur. Signum porro salutis fuerit, si pisces in cibos admittere coeperint.

De Rubeta & Rana palustri.

CAP. XXXI.

TVM Rubeta, tum etiam Rana palustris assumpta, corporis tumorem ciet, cum intenso pallore qui buxi colorem imitatur: accedit spirandi difficultas & grauis halitus oris singultusque, ac interdum inuita genitura profusio consequitur. His qui sumpsere facile succurritur secundum vomitionem largiore meri potu & arundinis radice binis drachmis, aut cyperi totidem. Cogendi quoque sunt ut vehementi ambulatione incitatoque cursu corpus exerceant, ob torporem qui ex hoc malo nascitur. Quinetiam quotidie lauandi sunt.

Tt. j.

De Hirudine. CAP. XXXII.

DE VORATAE cum aqua hirudines si ori vetriculi adhæserint, tractione partium nonnullam suctionis imaginem præbent: atque hoc signo hausta hirudo deprehenditur. Eas muria sorbitione excutit, & Cyrenaicus liquor, aut laserpitij folia vel betæ cum aceto pota, [aut epota niuis glebula cū posca.] Nitrum præterea ex aqua gargarizatur, itémque atramentum sutorium aceto dilutum. Si verò faucibus hæserint, demisso in aqua calidæ solium ægro, frigidam ore continendam exhibeto, & ad eam protinus hirudines profolient.

De Veratro albo, thapsia, elaterio & similibus.

CAP. XXXIII.

PROVIDENDVM etiam iis quæ, quavis auxilij ferendi gratia exhibentur, haud minora tamen pericula quàm venena cetera sapitùs afferunt: qualia sunt veratrum album, thapsia, elaterium, & agaricum nigrum: siquidem hæc animam suffocant, aut inmodicè purgant. Ac præfocationibus quidem ea medentur, quæ in fungorù similiùmque mentione retulimus: nimios autem deiectionum impetus medicamentis quæ egestiones supprimunt coercibimus. Neque verò negligenda quæ paululùm quidè nocere videntur, interim verò periculo non vacant: quo
in nu-

in numero sunt syluestris ruta, melanthium
& recentes pappi, hoc est, flores spinæ quæ
cactos appellatur. Eos porro qui talia sum-
plere sola vomitio restituit.

*De aqua frigida & ceteris quæ itidem nobis do-
mestica & in quotidiano vita usu sunt.*

CAP. XXXIII.

AQUA etiam frigida vnico haustu ac
sine interpiratione bibita, aut meracū
vinum passūve liberalius haustū, præser-
tim à balneo aut cursu & concitatore qua-
uis exercitatione, strāgulatus ac dolores in-
fert. In eiusmodi casu venæ sectio protinus
adhibita, itēque per enemata vacuatio
imminētibus liberāt periculis. Hactenus de
notis veneficiorum, eorūque cōuenienti-
bus remediis, necnon & præcauēdi modo,
dictum esto. Subiungeremus & v̄sitata anti-
dota maximè necessaria, quæque inter cete-
ra præclare auxiliari constat: quale est Mi-
thridatium & quod è sanguinis variis gene-
ribus, & quod è scinco paratur. Verūm quo-
niam inter antidota accuratissimè descripta
sunt, visum est hoc loco ab eorū descriptio-
ne supersedere,

T. ij.